



№28 (8180)
17 шілде
БЕЙСЕНЫ,
2025 ЖЫЛ



Жылыой аудандық қоғамдық-саяси газеті

Кен Жылоу

Газет 1933 жылы 4 қазаннан шыға бастады



www.facebook.com/kenzhylol
ken_jyloi_gazeti

* Жаркын жоба

ТҮП ТЕРЕҢДЕТУ – өзектің өзекті мәселесі



Бытыр көктемгі алапат су тасқыны кезінде Құрсай өзе­гін толтырған Жемнің әр суы Құлсары қаласына қатты қауіп төндір­гені елдің әлі есінде. Арна­ның таяздығы өз алдына, ішін басқан қалың ну қамыс, түрлі қоқыс қалдықтары, бәрі-бәрі жиылып өзеннен арындай аққан тасқынды бөгеп Қамыс­көлге жеткізбей қойды. Соның кесірінен арнасына сыймай лық толған су қаланың орталық көшелерін басты.

Міне, өткеннен ащы сабақ алған билік басындағы азаматтар қала халқының талабын орындап, Жем мен Құрсайдың түбін тереңдетуге кіріскен еді. Биылғы жаздан бастап бұл жұмыстар қала ішіндегі өзекте де жалғасын тауып, күні бүгін арна ішінде қарқынды жұмыстар жүзеге асып жатыр. Нақтырақ айтқанда, жалпы атқарылуы тиіс ұзындығы 8,8 шақырымды құрайтын жұмыстың қазіргі таңда 1,8 шақырымы тереңдетіліп үлгерген. Жоба жыл соңына дейін толық аяқталады деп жоспарлануда.

Жобаны облыстық Құрылыс басқармасының тапсырысымен «Сап-Ин-Вест» жауапкершілігі шектеулі серіктестігі жүзеге асыруда. Айта кетейік, бұл жұмыс өткен жылы қолға алынған Ұлы Жем өзенін тереңдету жобасының жалғасы болып табылады. Бұл жөнінде аудан әкімінің орынбасары Гүлнафис Айшуақова:

– Бұл жұмыстар 2025 жылдың 1 шілдесінде басталды. Құрсай өзенінің 8,8 шақырымға созылған аумағы 300 метрге дейін тереңдетіледі. Қазіргі таңда 22-ге жуық арнайы техника үздіксіз жұмыс жасап

жатыр. Жобаны уақытылы аяқтау мақсатында күндізгі және түнгі мезгілде де жұмысшылар еңбек етуде. Жалпы, жобаның ұзақтығы 4 айдан 6 айға дейін созылады деп күтілуде. Қазіргі таңда үшінші учаскеде тереңдету жұмыстары қолға алынған, – деді өз сөзінде.

Еске сала кетейік, биыл тасқын судың алдын алу және түп тереңдету жұмыстарын жүзеге асыру мақсатында Құрсай өзеніне су жіберілмеді. Соның салдарынан өзек лай мен қамысқа толып қалғаны рас. Бірақ келер жылғы көктемде Құрсайдың Бақашы шлюзі ашылып, Қамыс­көлдің су қоры толықтырылмақ. Сонымен қатар көл жағалауын нығайту жұмыстары да жоспарға енгізілді.

Жалпы қала халқы өзектің экожүйесін бұзбай түп тереңдету жұмыстарының жүйелі жүргізілгенін қолдайды. Өйткені ол түпкі мәселені толық шешер деген ойда.

Д.ІЗБАСАРҚЫЗЫ

* Ел ертеңі

Жақында мұхиттың арғы жағындағы Америка елінен киелі мекен – Кен Жылыойға сүйінші хабар жетті. Құлсары қаласындағы №16 Д.Жазықбаев атындағы орта мектептің 6-сынып оқушысы Ислам Бисеналиев халықаралық математика олимпиадасында жоғары нәтиже көрсетіп, Қазақ елінің мерейін үстем етті. Әрине, бұл жеңісті жетістікке ол оңайлықпен жеткен жоқ.

Американы бағындырған жылыойлық жеткіншек

Ол биылғы маусым айының 29-30-ы күндері Болгарияның Несебр қаласындағы “Шекарасыз математика” халықаралық олимпиадасында жүлделі ІІІ орынды иеленген еді. Енді, міне, шілденің 9-ы мен 10-ы күндері АҚШ-тың Хьюстон қаласындағы әйгілі Райс университетінде өткен «Olympiad USA» халықаралық математика олимпиадасында Ислам І орын жеңіп алып, алтын алқа мен бағалы сыйлықтарды қанжығасына байлады. Бұл жас дарын иесінің жылдар бойына тынымсыз ізденісі мен табандылығының жемісі.

Бұл жеңістің қыр-сырын, жас жеткіншектің қуанышын өз аузынан білу мақсатында Исламмен арнайы хабарласқан едік:

– Отбасында бес баламыз. Менің Икрам деген сыңарым бар. Ол екеуіміз қаратз үйірмесіне қатысып, республикалық жарыстардан жүзде алып жүрміз. Ал мектепте оқу озатымыз. Биыл Назарбаев интеллектуалдық мектебіне оқуға түстік. Мен 3-сыныптан бастап аудандық олимпиадаларға қатысып жүрдім. 5-сыныпта математика пәнінен дәріс беретін ұстазым Лаура Нұрланқызы олимпиадаға арнайы дайындай бастады. Сол жылы ауданнан І-орын иеленіп, облысқа жолдама алдым. Ал 6-сыныптан бастап “Білімге ниет” оқу орталығына қосымша дайындыққа бардым. Онда Сагиева Мадина апай халықаралық олимпиадаларға дайындап, іріктеу кезеңінен өттім. Осылайша мені финалға шақырды. Математикаға деген қызығушылығым, ата-анамның маған артқан сенімі және Мадина апаймен бірге жүргізген әзірлігіміз осы жеңіске жетуіме басты себеп болды. Нәтижесінде осы жазда қос бірдей халықаралық олимпиадаға қатыстым. Екеуінің де есептері бір-біріне ұқсамайды, әртүрлі бағытта берілді. Болгариядағы олимпиаданың есептері қиындау көрінді. Себебі онда өткен “Шекарасыз математика” олимпиадасында геометриялық есептер кездесті. Ал біз 6-сыныпта геометрияны әлі өтпеген едік. Сол себепті ІІІ орын алып қалдым. Ал Америкадағы есептер біздің мектеп бағдарламасына жақын келді, – дейді



ол ағынан жарыла.

«Болашақта кім болғың келеді, қандай арман-мақсаттарын бар?» деген сауалымызға: «Әкем секілді инженер боламын. Сонымен қатар әлемде математикадан әлі де шешімі табылмаған 7 үлкен есеп бар. Болашақта сол есептердің шешімін тапсам деп армандаймын. Бұл – менің ең басты үлкен арманым» деді болашақ жылыойлық математик.

Ислам Бисеналиевтің ата-анасының сөзінше баласының дарыны мектеп жасына дейін байқалған. «Исламның математикаға бейімділігін 3 жасында байқадық. Ол мектепке дейін-ақ көбейту кестесін өз бетінше жаттап алып, есептер шығаруға қызығушылық таныта бастады» дейді.

Әрине, Исламның бұл жеңісі – тек өзі мен мектебі, Жылыой жұрты үшін ғана емес, күллі Қазақ елі үшін үлкен мақтаныш. Біз «ғылымның атасын» меңгерген балғын дарынды, ата-анасы мен ұстаздарын жеңісті жетістігімен құттықтап, алға қарай да Исламның биік белестерден көріне беруіне тілектеспіз.

Әйгерім ҒАЛЫМЖАН,
ҚазҰУ студенті

* Саяси науқан

Жылыой ауданы Қара Арна ауылдық округінің сайланған әкімін тіркеу туралы хабар

«Қазақстан Республикасындағы сайлау туралы» Қазақстан Республикасының Конституциялық заңының 45-бабына, 113-11-бабының 1-тармағына сәйкес Жылыой аудандық аумақтық сайлау комиссиясы Жылыой ауданы, Қара Арна ауылдық округі әкімін тіркегендігі туралы хабарлайды:

Қара Арна ауылдық округінің әкімі болып Сагинов Ербол Нұртаевич, 1983 жылы туған, «Жылыой ауданы әкімінің аппараты» мемлекеттік мекемесінің бас инспекторы, Атырау облысы, Жылыой ауданы, Құлсары қаласының тұрғыны тіркелді.

Жылыой аудандық аумақтық сайлау комиссиясы

Округте – жаңа әкім

Қара Арна ауылдық округінде өткен ауыл әкімінің сайлауы нәтижесінде «Аманат» партиясының аудандық филиалынан ұсынылған Ербол Сағинов басым дауыспен жеңіске жетті. Ол саяси науқанда 701 ауыл тұрғынының сеніміне ие болды.

Иә, шалғай ауыл халқы өздерінің болашақ әкімін тікелей сайлау арқылы тандап, өз өңірінің қоғамдық-саяси дамуына белсенді араласатынын өткен жексенбіде тағы бір дәлелдеді. Оның үстіне осы топырақта өсіп жетілген, тұрғылықты жерін жақсы білетін азаматтың үміткерлер арасынан табылуы да бір қуантып қойғаны рас. Көптің тілегі қабыл. Қара Арна ауылдық округінің әкімі болып 1983 жылы Жылыой ауданында дүниеге келген Ербол Нұртайұлы тағайындалды. Оны өткен сейсенбі күні аудан әкімі Жұмабек Қаражанов арнайы келіп, ауыл әкімі аппараты ұжымына және шоқпартоғайлықтарға ресми түрде таныстырып, жаңа қызметіне сәттілік тіледі.

Жаңа әкім еңбек жолын 2010 жылы аудандық салық басқармасында бас маман, кейін бөлім басшысы қызметінен бастаған. 2018–2022 жылдары «ТасАв-


тоСервис» ЖШС-де түрлі қызметтер атқарып, кейін 2022–2024 жылдары аудандық жер қатынастары, сәулет және қала құрылысы бөлімінде бас маман, бөлім басшысы қызметінде болып, ауданның инфрақұрылымдық дамуына сүбелі үлес қосты. Ал 2024 жылдың қантар айынан бастап аудан әкімінің бас инспекторы болып жұмыс жасады.

Қара Арна – аудан аумағындағы жақсы дамып келе жатқан ауылдардың бірі. Мұндағы негізгі мәселелер ауыл басшылығының тынымсыз еңбегімен шешілетіні рас. Сондықтан Ербол Нұртайұлының осы бағытта манызды міндеттерді жүзеге асырып, халықтың әл-ауқатын арттырып, жұртшылықпен ашық пікірлесіп, тұрғындардың ұсыныс-тілектерін тыңдап, әр бастамада халықтың мүддесін басты орынға қоя білетініне сенім білдірді аудан басшысы.

Д.ДЕРБЫС

Бүгінгі санда:

Сібір жарасы



4-БЕТ

Графика өнерінің хас шебері еді



8-БЕТ

